

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 13 OKTOBER 2014, PUKUL 10.00 PAGI

Bil. 33

PERTANYAAN-PERTANYAAN BAGI JAWAB LISAN

1. PR-1323-L65321
Datuk Rozman bin Isli [Labuan] minta **MENTERI PERDAGANGAN ANTARABANGSA DAN INDUSTRI** menyatakan adakah perancangan untuk mengadakan jawatankuasa peringkat tertinggi khas untuk mengendalikan pelabur dari China, memandangkan pada masa kini mereka begitu berminat untuk melabur di Malaysia. Malaysia sekarang nampaknya ingin berhati-hati tetapi pada masa yang sama kita juga tidak mahu ketinggalan dalam peluang ini.
2. PR-1323-L63782
Dato' Takiyuddin bin Hassan [Kota Bharu] minta **MENTERI PERTANIAN DAN INDUSTRI ASAS TANI** menyatakan adakah Kementerian berhasrat mengembangkan Konsep Perniagaan Agrobazaar di negara Thailand sebagaimana yang dilaksanakan di Singapura baru-baru ini.
3. PR-1323-L64943
Datuk Haji Datu Nasrun bin Datu Mansur [Silam] minta **PERDANA MENTERI** menyatakan melalui arahan Majlis Keselamatan Negara MKN No. 20: Dasar dan Mekanisme Pengurusan Bencana Negara (Semakan 2012) adakah dasar ini berketepatan dalam menguruskan Banjir Extreme dan apakah inisiatif yang telah diambil oleh Kerajaan terhadap langkah pencegahan banjir selepas tragedi Banjir Extreme pada tahun 2013 lalu.
4. PR-1323-L64712
Tuan Chua Tian Chang @ Tian Chua [Batu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan mengapa banyak barangan 1Malaysia lebih mahal berbanding pesaing lain. Contoh; di Mydin Kuala Terengganu, tisu Cutie Soft dijual pada harga RM6.50, YiFa pada harga RM4.50 dan Tisu 1Malaysia pada harga RM6.90. Sila jelaskan.

5. PR-1323-L63994
Datuk Zahidi bin Zainul Abidin [Padang Besar] minta **MENTERI PEMBANGUNAN WANITA, KELUARGA DAN MASYARAKAT** menyatakan penjelasan kejayaan yang telah dicapai dalam usaha mendaftar dan membantu keluarga yang mempunyai Anak Kelainan Upaya (OKU), Sakit Kronik dan Tidak Sihat Mental daripada segi bantuan kewangan dan rawatan di hospital.
6. PR-1323-L65179
Tuan Ahmad Baihaki bin Atiqullah [Kubang Kerian] minta **MENTERI WILAYAH PERSEKUTUAN** menyatakan Hentian Putra, Kuala Lumpur adalah antara hentian bas yang agak sibuk, khususnya untuk pengguna dan penumpang daripada Pantai Timur, Malaysia. Namun keadaan bangunan dan kemudahannya sudah agak lama dan uzur. Adakah Kementerian tidak berhasrat untuk membaiki atau memperbaharui kemudahan yang ada bagi memberi keselesaan pengguna.
7. PR-1323-L63653
Ir. Shahrudin bin Ismail [Kangar] minta **MENTERI DALAM NEGERI** menyatakan adakah Kementerian telah mengenal pasti jumlah persatuan yang tidak berdaftar dengan Jabatan Pendaftaran Persatuan (ROS) dan apakah langkah-langkah yang telah dirangka oleh Kementerian bagi mengekang aktiviti kumpulan yang berkemungkinan mengganggu struktur perundangan dan sekali gus mampu menggugat keharmonian negara.
8. PR-1323-L63712
Tuan Fong Kui Lun [Bukit Bintang] minta **MENTERI PENDIDIKAN** menyatakan jumlah bilangan sekolah menengah jenis kebangsaan persendirian dan bilangan murid/guru di setiap negeri , peruntukan pembangunan yang disalurkan sepanjang 5 tahun lalu dan perancangan masa depan Kementerian terhadap sekolah-sekolah tersebut berikutan peningkatan permintaan kemasukan baru.
9. PR-1323-L63711
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI DALAM NEGERI** menyatakan senarai kesalahan yang dilakukan oleh Pasukan Peronda Sukarela (PPS) di Pulau Pinang mengikut undang-undang pertubuhan.
10. PR-1323-L65334
Puan Hajah Fuziah binti Salleh [Kuantan] minta **MENTERI KEMAJUAN LUAR BANDAR DAN WILAYAH** menyatakan :-
 - a) statistik taburan penempatan Orang Asli serta senarai perkampungan Orang Asli di seluruh Semenanjung Malaysia ; dan
 - b) jumlah perkampungan Orang Asli di Semenanjung yang masih tidak mempunyai bekalan air dan elektrik sehingga September 2014.

11. PR-1323-L64978
Tuan Anyi Ngau [Baram] minta **MENTERI PENDIDIKAN** menyatakan apakah terdapat rancangan oleh pihak Kementerian bagi menambah Sekolah Model Khas Komprehensif (K9) di Sabah dan Sarawak bagi menangani masalah keciciran di kalangan pelajar di kawasan luar bandar.
12. PR-1323-L64492
Dr. Tan Seng Giaw [Kepong] minta **MENTERI PENDIDIKAN** menyatakan keadaan sains dan kejuruteraan di sekolah menengah dan universiti di negara ini. Apakah peruntukan dan hasil.
13. PR-1323-L63471
Tuan Haji Hasbi bin Haji Habibollah [Limbang] minta **MENTERI PENDIDIKAN** menyatakan dapatkah Kementerian mempercepatkan pelaksanaan mengganti dan menaik taraf SMK Limbang yang sudah daif dan mempunyai penuntut melebihi seribu orang murid.
14. PR-1323-L63542
Dato' Dr. Nik Mazian bin Nik Mohamad [Pasir Puteh] minta **MENTERI PERTANIAN DAN INDUSTRI ASAS TANI** menyatakan perkembangan terkini tentang pembahagian subsidi-subsidi padi di Kelantan. Berapa ramai penerima subsidi ini dan berapakah peruntukan yang dikeluarkan untuk setiap komponen dalam tahun 2013 dan 2014.
15. PR-1323-L65117
Datuk Haji Shabudin bin Yahaya [Tasek Gelugor] minta **MENTERI PENDIDIKAN** menyatakan status pelaksanaan program pengajian / kursus agama Islam kepada masyarakat setempat yang dicadangkan pelaksanaan melalui Kolej Komuniti seluruh negara.
16. PR-1323-L64633
Tuan Wong Ling Bui [Sarikei] minta **MENTERI PENDIDIKAN** menyatakan terdapat berapakah buah sekolah-sekolah yang beraliran Bahasa Cina mempunyai kekurangan murid yang serius di daerah Meradong dan Sarikei. Apakah tindakan Kerajaan Pusat akan diambil untuk menyelesaikan masalah sekolah yang kekurangan murid.
17. PR-1323-L63430
Datuk Juslie bin Ajirol [Libaran] minta **MENTERI PENDIDIKAN** menyatakan :-
 - a) bilangan projek pembinaan sekolah rendah dan menengah yang sudah siap, sedang dilaksanakan dan akan dilaksanakan di negeri Sabah; dan
 - b) bila kelulusan pelaksanaan projek SMK Gum Gum II memandangkan permohonan telah dibuat sejak Rancangan Malaysia ke-8 lagi.

18. PR-1323-L63624
Tuan Tan Kok Wai [Cheras] minta **MENTERI WILAYAH PERSEKUTUAN** menyatakan berhubung penjualan tanah Kerajaan milik DBKL yang membabitkan tapak yang mana Bangunan Jabatan Kejuruteraan dan Mekanikal DBKL, Bangunan Jabatan Kesihatan DBKL dan Bangunan Kesatuan Pekerja-Pekerja DBKL dan tanah-tanah lapang di sekitar tiga bangunan tersebut, berapakah keluasaan setiap tanah, siapakah pembeli dan tarikh pembelian, harga setiap kaki persegi, jenis pembangunan baru yang dicadangkan diatas tanah-tanah tersebut, bilakah dan di manakah jabatan-jabatan terlibat akan ditempatkan semula bangunan jabatan-jabatan tersebut.
19. PR-1323-L65140
Dato' Ahmad Fauzi bin Zahari [Setiawangsa] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah langkah dan inisiatif Kementerian bagi mencapai target 500 senarai harta intelektual pada akhir tahun ini bagi menggalakkan lagi platform komersial yang disediakan IPR Marketplace.
20. PR-1323-L64727
Tuan Teo Kok Seong [Rasah] minta **MENTERI DALAM NEGERI** menyatakan secara terperinci tindakan dan hasil siasatan Polis Diraja Malaysia terhadap kes kematian Teoh Beng Hock selepas Mahkamah Rayuan memutuskan mengetepikan keputusan koroner dalam inkues kematian Teoh Beng Hock.
21. PR-1323-L63515
Tuan Haji Mohd Fasiah bin Haji Mohd Fakeh [Sabak Bernam] minta **MENTERI LUAR NEGERI** menyatakan langkah Kerajaan dari segi politik dan bantuan kemanusiaan bagi membela dan membantu rakyat Palestin dari kekejaman Zionis serta langkah diplomatik bagi mewujudkan negara Palestin yang bebas dan merdeka.
22. PR-1323-L65277
Tuan Tony Pua Kiam Wee [Petaling Jaya Utara] minta **PERDANA MENTERI** menyatakan sebab keuntungan Felda Global Ventures Holdings Bhd. telah menurun dan harga sahamnya telah terjunam dari RM5.39 pada 28 Jun 2012 ke RM3.67 pada 11 September 2014, atau sebanyak 31.9% walaupun indeks KLCI telah meningkat dari 1,599 ke 1,855 pada masa yang sama.
23. PR-1323-L64926
Dato' Seri Tiong King Sing [Bintulu] minta **MENTERI KESIHATAN** menyatakan :-
- adakah pihak Kementerian berhasrat untuk mengkaji semula pemberian bantuan ubat-ubatan untuk pesakit kanser sama ada ubat berjadual/ubat tidak berjadual sebagaimana yang difahamkan bahawa pihak Kementerian hanya meluluskan pemberian secara '*one off*' sahaja; dan
 - berapa ramaikah pesakit kanser yang telah mendapat bantuan daripada pihak Kementerian semenjak 5 tahun kebelakangan ini bagi negeri Sarawak dan jumlah kosnya.

24. PR-1323-L64254
Tuan William Leong Jee Keen [Selayang] minta **MENTERI KESIHATAN** menyatakan bilangan doktor atau pengamal perubatan yang berkhidmat dalam negara ini sama ada bilangan tersebut mematuhi piawai antarabangsa untuk memenuhi permintaan.
25. PR-1323-L65258
Dr. Mansor bin Abd Rahman [Sik] minta **MENTERI PERUSAHAAN PERLADANGAN DAN KOMODITI** menyatakan secara terperinci menerangkan kenapa sehingga sekarang tidak dapat menetapkan harga lantai bagi getah sedangkan masih ada cara dan mekanisme untuk berbuat demikian. Rakyat menerima bantuan 'one-off' dengan gembira tetapi apa yang rakyat mahu ialah penetapan harga getah yang munasabah. Pemberian bantuan RM500 hanya akan bertahan sebulan bagi sesebuah keluarga yang berpendapatan rendah di luar bandar.
26. PR-1323-L63333
Dr. Azman bin Ismail [Kuala Kedah] minta **MENTERI KESIHATAN** menyatakan langkah-langkah yang telah diambil oleh Kementerian untuk mengurangkan kos rawatan di sektor swasta.
27. PR-1323-L64288
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah puncanya dikatakan hampir 60% kakitangan awam yang bergaji RM3,000 sebulan dan ke bawah tidak memiliki rumah sendiri dan apakah laporan terkini Program 1 Juta Rumah yang dicadang dibina oleh Kementerian pada tahun lepas.
28. PR-1323-L64367
Tuan Lim Kit Siang [Gelang Patah] minta **PERDANA MENTERI** menyatakan sama ada Kerajaan bersetuju atau tidak untuk menubuhkan Suruhanjaya Siasatan Diraja bagi mengkaji sama ada aspirasi rakyat Sabah dan Sarawak telah dipenuhi atau dikhianati sejak pembentukan Malaysia.
29. PR-1323-L64752
Puan Kasthuriraani a/p Patto [Batu Kawan] minta **MENTERI KESIHATAN** menyatakan bilangan mesin MRI dan CT Scan dan sama ada ia berfungsi atau tidak di semua hospital kerajaan dan swasta berdasarkan pecahan negeri dan sama ada ianya dibeli atau disewa serta nyatakan kosnya.
30. PR-1323-L64037
Dr. Ko Chung Sen [Kampar] minta **PERDANA MENTERI** menyatakan bilangan kes rasuah disiasat dan disabitkan oleh SPRM dalam tempoh lima tahun lepas yang melibatkan rasuah wang kurang daripada RM1000.
31. PR-1323-L63637
Datuk Bung Moktar bin Radin [Kinabatangan] minta **MENTERI PENGANGKUTAN** menyatakan tentang langkah kerajaan dalam mengawal taktik penipuan (*Hidden Agenda*) yang dikenakan terhadap penumpang kapal terbang oleh Syarikat Penerbangan Awam di Negara ini.

32. PR-1323-L65016
Dato' Seri Anwar bin Ibrahim [Permatang Pauh] minta **MENTERI KEWANGAN** menyatakan :-
- a) apakah jaminan Kerajaan dan Khazanah bahawa MAS akan diurus dengan lebih cekap; dan
 - b) adakah Kerajaan bersedia untuk mengkaji *Fuel & Oil Expenditure* yang menyumbang 36% kepada jumlah perbelanjaan MAS, dan apakah jaminan kepentingan pekerja MAS dilindungi.
33. PR-1323-L63772
Raja Dato' Kamarul Bahrin Shah [Kuala Terengganu] minta **MENTERI PENGANGKUTAN** menyatakan apakah polisi Kerajaan dalam mengeluarkan lesen kapal kargo dan langkah-langkah yang di ambil dari mengelakkan lesen tersebut tidak di salah guna bagi tujuan lain.
34. PR-1323-L64963
Tuan Loke Siew Fook [Seremban] minta **MENTERI KEWANGAN** menyatakan apakah pendirian Kerajaan untuk menggubal undang-undang baru untuk mengawal dan membanteras gejala perjudian siber atau *online* yang semakin berleluasa dan sekiranya ada, bilakah ia dapat dibentangkan di Parlimen dan seterusnya dikuatkuasakan.
35. PR-1323-L63748
Dato' Fauzi bin Abdul Rahman [Indera Mahkota] minta **PERDANA MENTERI** menyatakan apakah kriteria yang diguna pakai untuk mengukur 'distribution of income' antara rakyat yang kaya dan miskin dari dasar DEB yang menjanjikan penyusunan semula masyarakat dan Wawasan 2020 yang bertujuan menjadikan Malaysia sebagai Negara maju.
36. PR-1323-L65085
Dr. Mohd Hatta bin Md. Ramli [Kuala Krai] minta **MENTERI PENDIDIKAN** menyatakan apakah punca kegagalan Perbadanan Tabung Pendidikan Nasional untuk mengutip balik bayaran pinjaman daripada 35% peminjamnya yang berjumlah kira-kira 690,000 orang dan apakah langkah yang diambil untuk mengatasi masalah tersebut.
37. PR-1323-L64384
Puan Nurul Izzah binti Anwar [Lembah Pantai] minta **PERDANA MENTERI** menyatakan :-
- a) adakah Kerajaan bersedia menyalurkan wang peruntukan khas kelolaan ICU kepada semua kawasan Parlimen menerusi wakil rakyat yang memenangi kawasan terbabit; dan
 - b) jumlah pemberian mengikut kawasan Parlimen sejak 2012 hingga kini.

38. PR-1323-L65201
Tuan Mohamed Hanipa bin Maidin [Sepang] minta **MENTERI LUAR NEGERI** menyatakan secara terperinci berapakah kos yang telah dibelanjakan oleh Kementerian sehingga September 2014 bagi kerja-kerja melobi untuk Malaysia dipilih sebagai Anggota Tidak Tetap Majlis Keselamatan Pertubuhan Bangsa-Bangsa Bersatu.
39. PR-1323-L64495
Tuan Gooi Hsiao-Leung [Alor Setar] minta **MENTERI PERTANIAN DAN INDUSTRI ASAS TANI** menyatakan butir-butir beras yang diimport dari Thailand oleh BERNAS dari Januari hingga Disember tahun 2013 dan dari Januari hingga September 2014, khususnya, apa kuantiti dan pada apa harga telah beras dibeli.
40. PR-1323-L64701
Tuan Ramkarpal Singh a/l Karpal Singh [Bukit Gelugor] minta **PERDANA MENTERI** menyatakan sama ada Kerajaan masih berpegang kepada pendirian untuk memansuhkan Akta Hasutan, 1948 dan sekiranya tidak, nyatakan alasan-alasannya.
41. PR-1323-L64676
Tuan Mohamed Azmin bin Ali [Gombak] minta **PERDANA MENTERI** menyatakan berapakah jumlah peruntukan yang disediakan oleh Kerajaan untuk Skim *Rent - to - Own* (RTO) bagi projek PR1MA dan berapakah jumlah sasaran permohonan.
42. PR-1323-L64076
Dr. Che Rosli bin Che Mat [Hulu Langat] minta **MENTERI DALAM NEGERI** menyatakan :-
- a) jumlah Pekerja Asing Tanpa Izin (PATI) yang memenuhi pasaran pekerjaan dalam perladangan, perindustrian dan binaan; dan
 - b) adakah Kementerian berhasrat memberi permit kerja sementara melalui majikan mereka supaya mudah mengesan mereka dan menjana pendapatan negara.
43. PR-1323-L64143
Datuk Koh Nai Kwong [Alor Gajah] minta **MENTERI PERDAGANGAN ANTARABANGSA DAN INDUSTRI** menyatakan apakah hasil kajian mengenai kesan pemansuhan sistem "*Open Approved Permit*" (Open AP). Apakah tindakan yang akan diambil oleh Kerajaan terhadap pandangan Institut Automotif Malaysia (MAI) bahawa "*Open AP*" tidak menyumbang kepada pembangunan industri automotif.

44. PR-1323-L65208
Tuan Manivanan a/l Gowindasamy [Kapar] minta **MENTERI KESIHATAN** menyatakan :-
- a) apakah perkembangan dan status terkini (dari 1 Jun 2014 sehingga 15 September 2014) pembinaan hospital di Parlimen Kapar dan apakah faktor-faktor yang menyebabkan kelewatan bermulanya pembinaan hospital di Parlimen Kapar; dan
 - b) apakah perkembangan dan status terkini mengenai proses penambahbaikan Klinik Kesihatan Kapar Baru yang akan menggantikan Klinik Kesihatan Lama di bawah RP3, RMK-10, dan apakah faktor-faktor yang menyebabkan kelewatan bermulanya proses penambahbaikan Klinik Kesihatan Kapar Baru ini.
45. PR-1323-L64619
Dato' Shamsul Anuar bin Haji Nasarah [Lenggong] minta **PERDANA MENTERI** menyatakan adakah Kerajaan bercadang menghapuskan Akta Hasutan dan mewujudkan semula Akta Keselamatan Dalam Negeri (ISA).
46. PR-1323-L63805
Dato' Dr. Tan Kee Kwong [Wangsa Maju] minta **MENTERI WILAYAH PERSEKUTUAN** menyatakan bagaimanakah proses Bajet DBKL 2015 dibuat dan adakah Ahli-ahli Parlimen Wilayah Persekutuan diberi peluang untuk mengambil bahagian dalam proses ini.
47. PR-1323-L65199
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KEWANGAN** menyatakan :-
- a) siapakah kontraktor pembekal makanan kepada Syarikat Penerbangan Malaysia MAS dan apakah kaedahnya; dan
 - b) berapakah kos makanan untuk satu penumpang yang dibekalkan untuk kelas ekonomi, *business* dan kelas pertama.
48. PR-1323-L64786
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan usaha untuk menjadikan Malaysia sebagai hab halal global dan apakah hasil atau kejayaan yang telah dicapai setakat ini dari segi sumbangan kepada peningkatan pelaburan dan pembangunan industri.
49. PR-1323-L63852
Tuan Wilson Ugak Kumbong [Hulu Rajang] minta **MENTERI KESIHATAN** menyatakan :-
- a) sama ada Kerajaan bercadang untuk membesarkan fasiliti Hospital Kerajaan di Kapit untuk menampung jumlah pesakit yang kian meningkat; dan

- b) menangani kesesakan tempat letak kereta dan kekurangan wad di Hospital Umum Kuching.

50. PR-1323-L64035

Dr. Ko Chung Sen [Kampar] minta **PERDANA MENTERI** menyatakan bilangan kes rasuah disiasat dan disabitkan oleh SPRM dalam tempoh lima tahun lepas yang melibatkan wang rasuah melebihi RM1 juta.

51. PR-1323-L63965

Tuan Er Teck Hwa [Bakri] minta **MENTERI PERDAGANGAN ANTARABANGSA DAN INDUSTRI** menyatakan jumlah perdagangan secara langsung atau tidak di antara Malaysia dan Israel dari 1996 sehingga kini. Senaraikan syarikat terlibat, jenis produk dan nilai dagangan. Apakah tindakan Kerajaan terhadap syarikat yang mengambil kompenan dari Israel walaupun mempunyai sumber dari negara lain.

52. PR-1323-L64873

Dato' Dr. Mujahid Yusof Rawa [Parit Buntar] minta **MENTERI BELIA DAN SUKAN** menyatakan adakah Kementerian bercadang memberikan peruntukan kepada persatuan-persatuan seni mempertahankan diri seperti silat, tomoi, silambam yang terdapat banyak di kawasan luar bandar. Apakah syaratnya jika ia boleh memberikan peruntukan.

53. PR-1323-L64907

Tuan Sim Tze Tzin [Bayan Baru] minta **MENTERI PENDIDIKAN** menyatakan :-

- a) dari tahun 2000 hingga 2014 bilangan pelajar yang layak (memenuhi kelayakan minimum) memasuki IPTA setiap tahun; dan
- b) sebab-sebab 50 peratus daripada pelajar-pelajar yang layak me mohon kursus IPTA pada tahun 2014 tidak ditawarkan tempat.

54. PR-1323-L63349

Datuk Wee Jeck Seng [Tanjong Piai] minta **MENTERI DALAM NEGERI** menyatakan inisiatif Kementerian dalam mengatasi budaya rakyat yang tidak hormat terhadap anggota polis di samping tidak memberi kerjasama terhadap pihak polis yang sedang menjalankan tugas.

55. PR-1323-L63672

Dato' Mansor bin Othman [Nibong Tebal] minta **MENTERI KESIHATAN** menyatakan bilangan hospital yang terlibat dengan industri pelancongan perubatan serta jumlah pendapatan yang dijanakan di Pulau Pinang semenjak industri ini diperkenalkan di negeri tersebut.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kewangan**

- * Rang Undang-undang Kewangan (No.2) 2014

2. **Menteri Perdagangan Dalam Negeri, Koperasi dan Kepenggunaan**

- * Rang Undang-undang Suruhanjaya Syarikat Malaysia (Pindaan) 2014

3. **Menteri Perdagangan Dalam Negeri, Koperasi dan Kepenggunaan**

- * Rang Undang-undang Pendaftaran Perniagaan (Pindaan) 2014

4. **Menteri Perdagangan Dalam Negeri, Koperasi dan Kepenggunaan**

- * Rang Undang-undang Perkongsian Liabiliti Terhad (Pindaan) 2014

*Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. (D.R.15 /2014) **Rang Undang-undang Perbekalan 2015 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(10 Oktober, 2014)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (10 Oktober, 2014)

2. (D.R 10/2014) **Rang Undang–undang Penjara (Pindaan) (No.2) 2014 - Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(9 Oktober, 2014)**

[Menteri Dalam Negeri]

3. (D.R 11/2014) **Rang Undang-undang Kewangan (Pindaan) 2014 Tatacara Bacaan Kali Yang Kedua**

[Menteri Kewangan]

4. (D.R 13/2014) **Rang Undang-undang Kumpulan Wang Amanah Negara (Pindaan) 2014 “**

[Menteri Kewangan]

5. (D.R 12/2014) Rang Undang-undang Wang Tak Dituntut “
(Pindaan) 2014

[Menteri Kewangan]

6. (D.R 14/2014) Rang Undang-undang Kumpulan Wang “
Pinjaman Perumahan (Pindaan) 2014

[Menteri Kewangan]

7. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

8. **Menteri Kewangan** akan mencadangkan:-

‘Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Tabung Konservasi Sumber Asli Nasional”

9. **Menteri Kewangan** akan mencadangkan:-

“Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Fi Jaminan”

10. PR-1323-U63530
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan.

Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepayan, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

11. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan. Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

12. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan.

Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gegala ini."

[Kementerian Dalam Negeri]

13. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

14. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

15. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

16. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

17. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

18. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2014</u>	<u>RISALAT/DOKUMEN</u>	<u>TARIKH DIBENTANGKAN</u>
ST.69	Penyata Kewangan Kerajaan Persekutuan 2013 Federal Government Financial Statements 2013	10 Oktober 2014
CMD.40	Laporan Ekonomi 2014 - 2015 Economic Report 2014 -2015	10 Oktober 2014
CMD.41	Penyata Daripada Kementerian Kewangan Mengenai Anggaran Perbelanjaan Persekutuan 2015	10 Oktober 2014
CMD.42	Anggaran Perbelanjaan Persekutuan 2015	10 Oktober 2014
CMD.43	Senarai Perjawatan 2015 Jilid 1 Jilid 2 Jilid 3 Jilid 4 Jilid 5 Jilid 6	10 Oktober 2014
CMD.44	Anggaran Hasil Kerajaan Persekutuan 2015 Estimates of Federal Government's Revenue 2015	10 Oktober 2014